

Filíocht Ainmnithe

Gealt?

Freagair (a) agus (b) anseo.

- (a) (i) “Is cumasach an léiriú a dhéantar ar iompar lucht an bhus sa dán, **Gealt?**, nuair a léim fear in airde ar bhus a sé déag.”
É sin a phlé.
- (ii) Nóta gairid uait faoin gcúis, dar leat, ar chuir an file comhartha ceiste le teideal an dáin.

Freagra Samplach

- (a) (i) Aontaím leis an ráiteas seo. Baineadh geit as lucht an bhus nuair a léim fear in airde ar bhus a sé déag agus pitseámaí air. Gealt a bhí ann, dar leo.
- Rug fear gnó greim docht daingean ar a *bhrieffcase!* Chrosáil bean eile a bhí ina suí trí shuíochán ón ngealt a cosa! Rug máthair greim breá láidir ar a páiste le teann eagla! Feicimid tiománaí an bhus agus fuarallas leis ag glaoch ar an depot! Tá an-ghreann ag baint leis an gcaint a chuir sé uaidh: “A Chríost, cuir fios ar na *bloody* Gardaí”!.! Cuireann an file íomhánna cumasacha os ár gcomhair. Bhí droch chaoi ar phaisinéirí an bhus faoin am a shroicheadar Ráth Fearnáin. Bhí an fear gnó báite ina chuid allais féin! Bhí bríste an tiománaí bus fliuch! Feicimid bean na gcrosáilte agus í fós coschrosáilte!
- Éiríonn leis an bhfile atmaisféar an teannais is na heagla a chruthú. Éiríonn léi gáire a bhaint asainn. Bhí duine amháin i measc lucht an bhus nach bhfaca gealt. Ní fhaca an páiste ach fear a raibh pitseámaí á chaitheamh aige. Bhí an páiste in éad leis mar atá léiríthe i líne dheiridh an dáin. Déanann an file léiriú cumasach ar iompar lucht an bhus, dar liom.
- (b) (ii) Sílim féin go bhfuil an comhartha ceiste atá curtha le teideal an dáin an-éifeachtach. Is í an cheist atá curtha: an raibh an fear a léim in airde ar bhus a sé déag as a mheabhair? Éiríonn leis an bhfile sinn a chur ag machnamh ar na coinbhinsiúin atá ag daoine fásta maidir le nósanna an tsaoil seo. Feicimid nach raibh an páiste faoi smacht ag na coinbhinsiúin seo.